

雜症

馮氏錦囊

十



四庫全書
醫部全錄
雜症大小合參卷十四

羅如桂丹臣

海鹽馮兆張楚瞻甫纂輯 門人孫顯達謹良仝較一

兒科腫脹

百病之始生莫不由六淫七情之所致若夫腫脹尤特甚焉然有脾虛水腫鼓脹滿膚脹虛腫在臟在腑之分小兒臟腑嬌嫩乳食不節脾一受傷不能制水流溢皮膚然症有三疳水積水驚水也疳水者心脾虛損而黃脚腫也積水者五積在腹結化為十也驚水者重疊受驚心火燥



濕過飲停蓄也。然水氣而脉浮大滑實者，生以其在表面。
未大虛也。沉細虛微者，死以其在裏而虛極。兼之陽虛則
不能化陰也。有脾胃受濕，不能運化，氣浮四肢頭面皆腫。
者，此名濕腫。有食毒并諸毒氣，停留胃脘，是以入腹作腫。
此名毒氣腫也。有傷寒下之太早，是以乘虛入腹而作腫。
者，此名傷寒腫也。更有虛腫者，凡諸大病之後，氣血兩虛，
一氣不固，皆能外浮而爲腫。晨起面浮，午後足腫，若元氣
未耗而亟養胃調脾，則腫不治而日退。其水腫者，脾虛受
濕，是以榮衛留止，脾失健運，肺失輸降，水氣上侵目窠，浮
腫腹大而白，足脛皆腫而如水。手按成窠而卽起，光腫如

泡者是也。失治則皮爛水流。若遍體成瘡者可治。虛陷者危矣。更有十種水之分。如氣短不得卧者爲心水。兩脇緊痛者爲肝水。大便驚澹者爲肺水。四肢苦重者爲脾水。腰痛足冷者爲腎水。口苦咽乾者爲膽水。乍虛乍實者人腸水。腹急肢瘦者膀胱水。小便閉澀者爲胃水。小腹急滿者小腸水。更有氣聚膀胱而致陰囊亦腫者。總而論之。腎虛不能行水。脾虛不能制水。胃爲水穀之海。虛則不能傳化。是以泛濫反得浸漬。脾上於是三焦停滯。經絡壅塞。氣留於臟而爲脹。水溢於皮膚而爲腫。宜先益氣補中。切勿徒投滲泄。鼓脹者心腹脹滿。且食不能暮食。形如鼓脹。色蒼

黃腹筋起。又名單鼓。外雖堅滿。中空無物。脹滿者。心腹痞
脹。噎氣妨食。氣短煩渴。面黃皮薄。而光肢瘦。肌慄而咳。漉
短便閉。此乃脾虛之甚。治宜大補中氣。佐以行濕。或補中
益氣。金匱腎氣。兼而服之。膚服者。脾胃卒傷。風寒陡感。濕
氣洎流。周身盡腫。按其服。脊而不起。倦言懶食。吞酸惡心。
治宜燥濕和中。然氣虛而腫者。名曰氣蠱。血虛而腫者。名
曰血蠱。榮衛俱虛者。名曰氣血蠱。凡腫先起於腹。而散於
四肢者。可治。自四肢而歸於腹者。難療。并蠱脹而腹有青
筋。脹滿而大便滑瀉。面青作喘者。單腹脹而面目手足硬
者。唇黑腫傷肝。缺盆平傷心。臍突平傷脾。足心平傷腎。背

平傷肺。男從足腫而上。女從身腫而下。或肉硬或手掌平。
外腎脹極。囊莖腫腐。臍間青黑。喘促煩渴。身浮青紫。或身
似枝色。偏膚生斑。自利畏食。唇縮枯澁。小便不禁。及起紫
黑斑點。漸若雲片者。並皆不治。
水因濕者。下先腫。因風因火者。上先腫。陽水脉沉
數。陰水脉沉遲。故腰以上腫。宜發汗。腰以下腫。宜利水。身
熱者在表。宜汗。身不熱者在裡。宜下。此常論也。然不可用
大戟甘遂之劑。倘水氣乘虛復至。更將何以治之。卽腫脹
有因積而得者。倘去積而腫再作。小便不利者。若再用利
藥。小便愈閉。醫多束手。蓋此多因中焦氣不升降爲寒所

隔水閉不行。惟脹沉附湯。類小便自通。喘滿自退矣。
腫脹症候。若脾虛氣未出。腹脹不腫不喘者。或以補爲消。
或借消爲補。務使脾能健運。腎能閉藏。則祖氣有根而不
拔。元氣深藏而有源。何有爲脹爲滿之患哉。若不早速治。
則虛氣已出。附肺而行。入於四肢面目。是以通浮。然此譬
如行兵戰寇。未出林也。攻之必獲。旣出林矣。攻之必失。至
此又當以意漸收之。蓋標症雖似有餘。本症實由不足也。

方脉腫脹合參

帝曰。脉之應於寸口。如何而脹。伯曰。其脉大堅以瀼者。脹

也。邪盛則大。邪實則堅。瀼者。氣血虛而不流利也。洪大之
脉。陰氣必衰。堅強之脉。胃氣必損。故大堅以瀼。病當爲

脹。是以脾其坤靜之德。而有乾健之運。故能使心肺之陽。降。肝腎之陰。升。而成天地之泰。是爲平人。今也七情內傷。六淫外感。飲食失節。房勞致虛。脾土之陰受傷。轉運之官失職。胃雖受穀。不能運化。是以心肺之陽不能降。腎肝之陰不能升。而成天地不交之否。清濁相混。隧道壅塞。鬱而爲熱。熱留爲濕。濕熱相生。遂成脹滿。本無形之氣爲病。難作有形之症。調理有謂秋夏冬治之稍易。惟春最難者。以其木旺而土受尅。不能制水也。然輕者俱易。貫者俱難。不獨春也。名鼓者。以其中空外浮。取其象而名之也。更名蠱者。以其侵蝕之害。取其義而名之也。治者宜補其脾。又須

清以金翼承金
卷一四

養肺金以制木使脾無賊邪之患滋腎陰以制火使肺得清化之令脾肺腎之氣交通則水穀自然尅化却鹹味斷妄想無有不安醫者急於取效病者苦於脹滿喜行利藥以求通快不知寬得一日半日其脹滿病邪愈甚而元氣轉傷矣又有標實而本虛者瀉之不可補之無功極爲危險全在杜微防漸標本得宜使脾胃之元陽生發而陰邪之凝滯釋然矣

水腫鼓脹皆因脾虛所致然水腫輕而鼓脹重何也水腫則飲食如常鼓脹則飲食不及常也先頭足腫後腹大者水也腫也先腹大後四肢腫者氣也脹也治水腫則惟補

脾導水而已。治鼓脹則補脾導水兼以消穀。庶乎可也。然鼓脹有氣血寒熱四者之殊。多由怒氣傷肝。木邪尅土。所以脾病而不能運化水穀也。又要養肺金以制肝木。使脾無賊邪則運化行而水穀消矣。以此觀之。治鼓脹之法。必以補脾制肝導水消穀爲主。看所挾而兼用藥。挾氣則散氣。挾血則破血。挾寒則溫寒。挾熱則清熱。自無不愈。其有不可治者。此乃脾虛之極。爲真臟病也。真臟病者。由真火不能生土耳。豈止脾臟而已哉。

人有行房用力過度。則汗出於腎。經言汗出於腎。逢於風。內不得入於臟腑。外不得越於皮膚。客於玄府。行於皮膚。

傳於附腫本之於腎名曰風水治宜滋腎散風如四物湯
加荆防羌柴防己之類不可作脾虛濕腫而用參朮及利
水之藥愈使風邪內陷
火性炎上水性潤下消渴證不交而火偏盛也水氣證不
交而水偏盛也治之之法在制其偏而使之相濟故小火
不能化大水必先瀉其水後補其火開鬼門是發汗瀉在
表在上之水也潔淨府謂利小便瀉在裏在下之水也水
勢既減然後用暖藥以補元氣此治實治熱之次第也若
不明虛實寒熱專守下則脹已之一法雖得少寬於一時
真氣愈衰未幾而腫脹再作遂致不救矣故涉虛者溫補

脾腎如腎氣丸之類補中微瀉使其漸次康復然王道
近○方○必○以○緩○取○效○古○今○明○醫○豈○不○知○尅○伐○之○功○速○而○曠○日○
持○久○亦○以○中○氣○既○衰○恐○蹈○虛○虛○之○禍○耳○中○滿○者○其○症○悉○與○
鼓○脹○水○腫○無○異○何○故○屬○之○氣○虛○氣○虛○者○腎○中○之○火○氣○虛○也○
中○滿○者○中○空○似○鼓○虛○滿○而○非○實○滿○也○經○曰○諸○濕○腫○滿○皆○屬○
於○脾○又○曰○其○本○在○腎○其○末○在○肺○皆○聚○水○也○諸○經○雖○皆○有○腫○
脹○無○不○由○於○脾○肺○腎○者○蓋○脾○十○主○運○行○肺○金○主○氣○化○腎○水○
主○五○液○凡○五○氣○所○化○之○液○悉○屬○於○腎○五○液○所○行○之○氣○悉○屬○
於○肺○轉○輸○二○臟○以○制○水○生○金○者○悉○屬○於○脾○若○脾○不○能○散○胃○
之○水○精○於○肺○而○病○於○中○肺○不○能○通○胃○之○水○道○於○膀胱○而○病○

於上腎不能司胃之開門時其輪泄而病於下是以胃土不能制腎水水逆而上行傳入於肺故水雖制於脾而實主於腎蓋腎本水臟而元陽生氣所由出若腎中陽虛則命門火衰既不能自制陰寒又不能溫養脾土陰陽不得其正則化而爲邪也治者惟知泄水而不知益胃或知益胃而不知溫腎故多下之強令水出不依天度流轉故腎氣愈虛腎陽愈損則發而不能制也莫若行其所無事則爲上計何舉手便用內經去苑陳莖開鬼門潔淨府如舟車九禹功散之類若真知爲水濕之氣客於中焦發於皮膚如水晶之光亮手按之陽起者以前藥一服而還者久

病大病後。或傷寒瘧痢後。女人產後。小兒痘後。與夫元氣
素弱者。槩以前法施之。脾氣愈泄。愈虛。不可復救矣。故給
腫者。先以脾土爲主。須補中益氣。或六君子湯。溫補之。再
以金匱腎氣丸。補土之母。裨脾強土。旺則能散精於肺。通
調水道。下輸膀胱。水精四布。五經並行矣。或者疑謂喘脹
水滿。又加純補之劑。恐益脹滿。必須補藥中。加行氣利水
之品。此論似得病情。終非納氣藏源至理。蓋肺氣既虛。不
可復行其氣。腎水已衰。不可復利其水。純補之劑。初時似
覺不快。過時藥力得行。則氣歸者自歸。而行者自行。如土
之在而中。則爲泥。得和風暖日。則濕去而陽和自得。萬物

生長矣

東垣曰中滿治法當開鬼門潔淨府瀉之於內謂脾胃有病令上下分消其濕下焦如瀆氣血自然分化如或大實大滿大小便不利者從權以寒熱藥下之此以論治有餘之症也至於補腎以治腫其說難明蓋禹之治水行其所無事也若一事疏鑿則失之矣今人之治水者牽牛大戟粗工之小智正禹之所惡也間有五苓五皮者以爲中正亦轉利轉虛腎氣愈衰而愈不能推送矣故須用補腎經曰腎開竅於二陰腎氣化則二陰通二陰閉則胃填脹腎者胃之關關門不利故水聚而從其類也經又曰腎主下

焦三焦者決瀆之官水道出焉膀胱者州都之官津液藏焉必待三焦之火化始能出也其三焦之經在上者布膻中散落心包在下者出於委陽上絡膀胱上佐天道之施化下佐地道之發生與手厥陰爲表裏以應諸經之使者也是故腎虛者下焦之火虛也雖小便之清長必由於肺金之輪化然膀胱之氣旺始能吸胸中之氣以下行但腎與膀胱爲表裏膀胱之失運化必由腎氣之衰微故始因火小不能化水後則水大火不能化矣經曰三焦病者氣滿小腹光堅不得小便溢則水留而爲脹仲景金匱腎氣丸補而不滯通而不泄誠治腫之神矣

有一身之間。惟面與足浮腫。早則面甚。晚則脚甚。經云。面腫爲風。脚腫爲水。乃風濕所致也。雖然。病後元氣未復者。每多見此。蓋由真氣根本不固。故日中行坐。則氣墜下面。晚脚腫。夜中睡卧。則氣升浮。而早面浮。若槩作風濕治之。益虛其虛。故以治不足之法。治有餘。則可治有餘之法。治不足。則不可。

凡有癥瘕積塊痞塊。卽是脹病之根。日漸月積。腹大如箕。若抱甕。然是名單腹脹。不似水氣散於皮膚。面目四肢也。緣中州之地久望。其四運之軸清者不升。濁者不降。互相結聚。牢不可破。實因脾土之衰微。而藏意之司失職。蓋人